

12 MAY 2001

ABDULLAH KUNJUNGI FIDEL CASTRO

KUALA LUMPUR, 12 Mei (Bernama) -- Timbalan Perdana Menteri Datuk Seri Abdullah Ahmad Badawi hari ini membuat kunjungan hormat ke atas Presiden Cuba Fidel Castro di Hotel Renaissance, di sini.

Abdullah, yang tiba pada 5.50 petang, menemui Castro selama 85 minit di Suit Presiden, tempat pemimpin berusia 74 tahun itu menginap semasa lawatan pertamanya ke Malaysia.

Castro tiba di sini semalam untuk lawatan negara tiga hari atas jemputan Yang di-Pertuan Agong Sultan Salahuddin Abdul Aziz Shah.

Sebelum tiba di Malaysia, Castro melawat Algeria dan Iran. Beliau dijadualkan berlepas ke Doha, Qatar pagi esok.

Malam ini, beliau diraikan oleh Datuk Seri Dr Mahathir Mohamad dalam satu jamuan peribadi di Seri Perdana, kediaman rasmi Perdana Menteri di Putrajaya.

Hari ini, Castro melawat bangunan berkembar tertinggi dunia, Menara Kembar Petronas.

Beliau turut mendengar taklimat mengenai pembangunan menara kembar itu sebelum melawat Kuala Lumpur City Centre (KLCC).

-- BERNAMA

AT AFY NAK